

## Ա. Բ. ԿԱՐԻՆՅԱՆ

Սույն թվականի մայիսի 29-ին վախճանվեց Հայաստանի գիտությունների ակադեմիայի ակադեմիկոս, 1907 թ. կուսակցության անդամ, Հայկական ՍՍՀ գիտության վաստակավոր գործիչ, սոցիալիստական աշխատանքի հերոս Արտաշես Բալասիի Կարինյանը (Գաբրիելյան)։

Արտաշես Կարինյանը անցել է քաղաքական պայքարի, կուսակցական և գիտական-ստեղծագործական աշխատանքի երկարամյա ճանապարհ։ Նա ծնվել է 1886 թ. Բաքու քաղաքում, նավթահանքերի վարպետի ընտանիքում։ Դեռևս 1907 թ., երբ ուսանում էր Պետերբուրգի համալսարանի իրավաբանական ֆակուլտետում, Կարինյանն ընդունվում է ՌՍԴԲԿ շարքերը։ Նույն թվականին նա մի խումբ ուսանողների հետ ուղևորվում է Ֆինլանդիայի Տերիոկի քաղաքը, որտեղ մասնակցում է ՌՍԴԲԿ Պետերբուրգի կոմիտեի կողմից կազմակերպված խորհրդակցությանը և լսում Վլադիմիր Իլյին Լենինի ելույթը։

1910 թ. Ա. Կարինյանը ավարտում է համալսարանը և վերադառնալով Բաքու, Ստեփան Շահումյանի ղեկավարությամբ անցնում է հեղափոխական - պրոպագանդիստական աշխատանքի։ 1913 թ. նա ձերբակալվում է և արտաքսվում Բաքվից։ Փետրվարյան հեղափոխությունից հետո Կարինյանը կրկին վերադառնում է Բաքու, մասնակցում Անդրկովկասում սովետական իշխանության հաստատման համար մղվող պայքարին։ 1918 թ. ապրիլին նա նշանակվում է Բաքվի կոմունայի արդարադատության կոմիսար և խմբագրում «Известия бакинского совета» թերթը։

Բաքվի կոմունայի անկումից հետո Արտաշես Կարինյանն աշխատում է Մոսկվայի Ազգությունների կոմիսարիատին կից հայկական գործերի կոմիսարիատում որպես բաժնի վարիչ, որտեղ միաժամանակ խմբագրում է «Կոմունիստ» ամսագիրը և «Կարմիր դրոշակ» թերթը։

Հայաստանում սովետական կարգերի հաստատումից հետո Կարինյանը գործուղվում է Երևան։ Այստեղ նա աշխատում է, իբրև հանրապետության արդարադատության ժողովրդական կոմիսար, Հայաստանի կենտրոնական նախագահ (1924—1928), ապա լուսավորության ժողովրդի տեղակալ (1929—1930)։ Այս տարիներին նա խմբագրել է «Նոր ուղի» (Երե-

վան) և «Народное хозяйство Закавказья» (Թիֆլիս) պարբերականները, հանդես եկել նաև հրապարակախոսական, բանավիճային հոդվածներով, «Իմպերիալիստական պատերազմը և Հայաստանը» հոդվածաշարում (1925) Կարինյանը մերկացրել է արևմտյան իմպերիալիզմի



հանցավոր դերը արևմտահայության ողբերգության գործում։ «Հայ ազգայնականների ուղին» (1926), «Նացիոնալիզմի «նոր դիրքերը» (1928) գրքերում զետեղված հոդվածներով նա հակահարված է տվել արտասահմանյան երկրներում գործող և միջազգային ռեակցիային հարած հազարակներին՝ Սովետական Հայաստանի դեմ ուղղված զրպարտչական ելույթներին։ 1941 թ. Արտաշես Կարինյանը նվիրվել է գիտական աշխատանքին։ 1956 թ. նա ընտրվել է Հայաստանի գիտությունների ակադեմիայի իսկական անդամ։

Կարինյանը հեղափոխական գործունեությունը ղուգակցել է հրապարակախոսական-գրականագիտական աշխատանքների հետ՝ դառնալով հայ մարքսիստական հրապարակախոսական և զրաքննադատական մտքի հիմնադիրներից մեկը։ Նրա հոդվածները տպագրվել են ժամանակի հայկական և ռուսական բուլշեիկյան թեր-

թերում, այս թվում և Պրավդայի Էջերում: Իր հողվածներով նա գործուն մասնակցություն է ունեցել մամանակի գրական պայքարին, գրք-ռեպրեզի մեծ սկզբունքայնություն և գրական անբասիր հաշվակ: Հատկապես «Պրավդայի» էջերում տպագրված հողվածներով նա պայքարել է ժամանակի գրական ունակցիայի դեմ, ի դեմս դեկադենտիզմի, մատնանշել ունայնասական զրազանությունից զարգացման հեռանկարները: Կենսունակությունը: Հետագայում, 1920-—1921 թթ. գրական վեճերում նա պայքարել է ուղեւորական գրականությունն անցյալի ժառանգությունից կտրելու փորձերի դեմ, ժամանակի գրական գործիչներին կոչ արել հավատարմ մնալ: դասական արվեստի ավանդույթներին:

Դեմքեր և դեպքեր (1928), «Գրական արձագանքներ» (1955), «Գրական-քննադատական հողվածներ» (1962), «Ժողովուրդների եղբայրության դրոշի ներքո» (1976), «Գրական պատմական ակնարկներ» (1982) ժողովածուներում գետնիցված են Կարինյանի գրականագիտական և գրական-քննադատական հողվածները: Դրանք վկայում են, թե դիտականն ինչպես է օր-օրի հետևել սովետահայ գրականության զարգացման ընթացքին, միաժամանակ ստեղծել դասական հայ հեղինակների բազմաթիվ դիմապատկերներ: Այս առումով ուշադրության արժանի են Կարինյանի ակնարկները՝ նվիրված Աբովյանի, Շիրվանզադեի, Չարենցի, Տերյանի ստեղծագործություններին:

Արտաշես Կարինյանը միաժամանակ ուսումնասիրել է ուս դասական և ժամանակակից գրականությունը, բազմաթիվ հողվածներ նվիրել Խաղիչի, Պուշկինի, Գոգոլի, Չերնիշևսկու, Չեխովի, Գորկու և այլ գրողների ստեղծագոր-

ծություններին, հայ և ուս գրական կապերի հարցերին:

Կարինյանի գիտական հարուստ մասնագիտության ամենահետադարձական բաժինը ներկրված է հայ պարբերական մամուլի պատմությանը: Տառնամյակներ շարունակ նա անխնայ կերպով ուսումնասիրել է հայ պարբերականների հաղթարձուները և ստեղծել հայ պարբերական մամուլի գիտական պատմությունը: Նրա «Ակնարկներ հայ պարբերական մամուլի պատմության» մեծարժեք մենագրության երկու հատորները (1956, 1960) նվիրված են Հեղկատանի հայկական զազություն և նվորպայի երկրներում հատարակված հայ պարբերականների պատմությանը:

Արտաշես Կարինյանը երիտասարդական ավյունով էր վարում իր իսկ նախաձեռնությամբ ստեղծված հայ պարբերական մամուլի պատմության բաժնի վարիչի պարտականությունները: Նա գործուն մասնակցություն ուներ Հայաստանի գիտությունների ակադեմիայի նախագահության ընթացիկ աշխատանքներին, երբ վարում էր հասարակական գիտությունների բաժանմունքի ակադեմիկոս քարտուղարի (1960—1963), ապա փոխպրեզիդենտի (1963—1965) պաշտոնները:

Իր մեծ վաստակի, կոմունիստական կուսակցությանն ու սովետական ժողովրդին մատուցած ծառայությունների համար Արտաշես Բայասիի Կարինյանն արժանացել է սոցիալիստական աշխատանքի հերոսի բարձր կոչման, պարգևատրվել լենինի, Հոկտեմբերյան հեղափոխության, Աշխատանքային կարմիր դրոշի շքանշաններով և մեդալներով:

Մ. Ն. ՄԵԼԻՔԻԱՆ